

四庫全書

集部

欽定四庫全書

少室山房集卷六十三

明 胡應麟 撰

七言律詩七十一首

贈戚山人伯堅

有序

始邂逅戚山人伯堅於弇州園別去十載而
山人遊金陵獲少姬麗甚以壁立復出謁所
知適馮太史開之倡社湖上遂留館太史家

拉余贈章戲成此什併呈太史博一掀髯云

爾

散髮相逢大海頭
弁山堂下即糟丘
余歸故里攜通德
汝向新亭載莫愁
底事歌魚來越郡
誰能騎鶴上揚州

飯依合傍蓮花社
天女維摩話昔遊

時太史拉諸名
勝為淨土之會

七夕馮太史開之邀同俞羨長潘景升吳秦寧

德符喻叔虞傅太學王山人集湖上觀少姬

走馬戚不磷
泊仲君繼至
余夜分返太史以

輕舟載羨長不磷宿玉蓮亭

折簡秋宵興欲狂東南名勝半沙棠天孫河畔停烏鵲
地主池頭宿鳳凰綠樹迴風全送暑紅蕖搖月細生涼
無勞更覓牽牛信一騎湖頭到謝娘

過天津訪萬中丞伯修四首

建牙吹角下蓬萊飛檄千章盡手栽晉代詩書元帥業
周家文武上公材還搖大纛天驕遁曾繫長纓日逐來
漫道平陽魯第一無雙籌策照雲臺

翩翩白馬氣凌虛老將漁陽盡不如出塞盛傳破敵策
籌邊頻上護羌書千檣跨海長驅鱗萬弩乘潮各射魚
落落元規豪興在南樓明月半長裾

威名十載鎮祁連又見登壇仗鉞年列校總驅橫海節
偏師遙下伏波船風行蜃鱗扶桑外觀築鯨鯢細柳前
屈指鏡歌飛捷夜抽毫何容代如椽

玉帳梅花照叵羅南樓吹笛夜如何中丞節鉞行三輔
大將樓船出九河赤日桑乾窮兇虎青天蒲類息蛟鼉

燕然片碣題銘處萬丈窮崖絕頂磨

李萬戶過訪舟中作

寂寞孤帆滯水濱雙旌俄報李將軍虬髯本自山西出
猿臂先從塞北間異代凌烟誰左席他年冒雪有奇勲
燕然絕頂聊相待為掃班生石上文

夜集萬伯修中丞署中聽奚童彈琵琶即席賦
鼓瑟吹笙夜未闌狂歌醉舞燭花殘清光琥珀浮金尊
逸響珠璣墜玉盤細柳生風迴綺席叢篁扶月上雕欄

真堪十日平原飲，莫向參軍話路難。

行路難始鮑參軍

同陳子卿胡澱元集黃茂才館茅生擊鼓侑觴

席上戲題

旅鬢蕭然越客蹤，故人文酒暫從容。
風霜驟擊漁陽鼓，雲霧深藏碣石鐘。
春盡短衣殘薜荔，夜闌長鋏笑芙蓉。
朝來曲水堪沈飲，何處桃花問舊峰。

春日黃文學館中送陳子卿南歸訪馬生即席

賦

行李蕭蕭易水寒不因題賦到長安
魂搖薊闕千門樹興入湘臺九畹蘭
擊筑風雲晨翫麟抽毫星斗夜闌干
東歸未值秦淮棹愁絕春風兩鬢殘

禊日再送陳生

布衣行色又風塵攜手平原未浹旬
易水悲歌逢壯士蘭亭修禊屬才人
扁舟自許浮東海龍劍猶堪射北辰
歸去白門機上女莫言裘敝出三秦

黃燮卿王至卿胡靜父澥元茅厚之過集

蕭蕭四壁似禪關縱飲寧辭十日閒邂逅江湖成白社
參差河朔見青山壚頭乍發幽人興廡下頻開倦客顏
臺殿黃金原咫尺朝攜瓢笠共飛攀

送包稚升觀察之蜀中

握手河橋興未闌春風笳鼓出長安干波已見淮流靜
九折寧辭蜀道難酒肆才人原擯鼻花溪詞客尚漁竿
峯篔雪色三莪上何限新詩勒翠巖

首夏少傅趙公齋頭縱觀宋元本朝書畫名蹟

出家藏焦尾命作梅花三弄飯罷奕棋留連
浹日即席賦詩

畫檻雕楹白玉堂高山流水落胡床
牆頭樹色分長樂戶外花枝接上陽
筆札西清懸琬琰圖書東壁散琳琅
儵然一枕蓬壺畔臥聽棋聲入夢長

少傅趙公齋頭烹供虎丘新茗適侯家以紫牡丹至清香艷色應接不遑即席二首

楊花飄落遍天涯十二雕闌散曙鴉
玉盃坐邀陽羨月

金盤馳送洛城霞，清香恍墜幽人席。
艷色偏歸上相家，入夢故園紅紫遍。
十峯寒瀑漱靈芽。

樓頭紅日近扶桑，乳燕參差入畫梁。
雪乳乍分廬處士，天香元屬魏平章。
移來上苑非金谷，烹處中泠是玉堂。
莫便清風生兩腋，聯翩傾國在明光。

曹計部訪寓中賦贈

詞藻翩翩跨七閩，樓船曾宿大堤春。
輝煌結駟尋燕俠，縹緲驚鴻問洛神。
闕下雲霞飛錦綬，湖頭風雨濕綸巾。

知君暫駐玄亭筆鹽鐵將成獻紫宸

詹司理過訪并邀集寺中夜譚司理家去余邑

百里而近

駟馬驂驛碣石東持杯蕭寺問飛蓬
無論客思孤航外何限鄉心一座中
說劍春雲流綺戶抽毫晴雪照絲桐
塵埃暫試空羣足荏苒黃金出漢宮

王將軍過訪不值次日遣信相聞走筆四韻代

東時方拜總戎之擢而余寄居胡氏園芍藥

盛開故詩句云云

高空遙望碧雲殘
細雨蕭蕭一選寒
小隊朱旗頻出郭
元戎金印乍登壇
雙龍色照芙蓉匣
駟馬光生芍藥欄
為報主人林竹在
天風晨夕候飛鸞

方伯苓 徐彥伯 胡靜父 王孟博 吳雲從 同集茅

生齋頭

相逢湖海合吳鉤
笑拂青萍上酒樓
坐裏風霜流覆局
簷前星斗墜藏闌
三生障業輸芒屨
十口生涯問敝裘

拚取高歌酬令節紅牙催拍按梁州

王貞伯過訪胡園作時澍雨驟至轟飲幾達旦

歸

握手高陽盡賦才參差遊屐點蒼苔
虛疑上客尋花過總為元戎看竹來
急雨亂飛巫女峽雄風遙度楚王臺
誰言定遠先投筆粲爛如椽勒草萊

王總戎攜酒同登新城南樓即席賦

突兀飛甍潞水頭欄干十二挂朱樓
雲拖漢闕雙龍度

月擁燕城萬雉流坐裏胡床應盡興登來彩筆暫銷愁
山川信美吾鄉異聊伴元戎作壯遊

東黃水部孟修并乞其繪事

才名江夏世無雙者舊襄陽接姓龐興裏烟嵐流彩筆
吟邊雲日弄紗窗鴻冥大澤心長遠駟逐中原意已降
識面長安吟晚暮爛燒紅燭醉銀缸

花朝過劉金吾齋閣小飲即席賦

暖日暄風半畫堂金吾西第暮傳觴圖書粲爛偏盈架

綠竹叅差盡繞梁賦就桃花潛弄色吟餘梅萼亂飛香
接羅顛倒休辭醉能憶通家舊雁行

楊不棄吳用卿追送潞河作

慘淡塵沙吹別顏都亭楊柳並追攀河梁客趁雙魚下
海岸人浮片鷁還白苧淋漓燕雪底青萍搖曳潞雲間
誰言歧路分飛近縱飲猶拚十日閒

曹計部至自盤山極譚夜宿招提之勝賦此

亂山迴合暮雲齊流水桃花漢闕西絕頂雙燈懸舍利

中峯一刹現菩提
蘿深忽跨猿猱上
樹古聊同鶴鶴棲
最是夜深鈴鐸畔
天雞如傍法輪啼

過萬都尉館賦贈

萬君虛懷好學風致甚高

坐捲珠簾夏日長
主家樓閣鳳城傍
金池草色連興慶
玉洞花枝映壽陽
逸氣千秋迴處仲
玄談一代擅真長
春山寫就難停筆
次第蛾眉出後房

過區用孺太史適長公繩玄誕日即席賦贈

五夜文光切上台
三春晴色繞蓬萊
桃花漫向秦源覓

棣萼先從漢殿開
紫氣細縕紅日駐
清歌搖曳彩雲來
丹砂勾漏容相問
六翮從君跨九垓

送吳太學遊邊

燕臺秋色乍闌珊
少借壚頭十日閒
說劍風聲流易水
彎弓雲色墜天山
平沙夜伴孤鴻宿
大漠朝馳駟馬還
愁絕南樓離恨杳
西風吹夢出陽關

潞河東郊同胡生踏青即席賦

春色三分二已過
空門相逐問維摩
新紅破萼盈高樹

淺綠迴莖上細莎雪裏袈裟留絕域風前杖錫度恒河
頽然一飽香厨飯坦腹繩床話貝多

時飯維摩菴中

送王遵考使君之嶺南

鹵簿春風出禁城驂驛五馬向人鳴南州桂樹傳新賦
東閣梅花問舊盟銅柱亂雲行處合金門殘月望迴明
名山莫戀羅浮色前殿長楊識姓名

熊中丞出塞詩

百萬曾提閫外兵君王西北問長城埋輪疏上豺狼避

橫槊詩成虎豹驚，川入大非晨按壘。
河當無定夜移營，雕弧白馬翩翩去。
盡遣降王款帝京。

于鳳鳴得雄賦贈

窈窕笙歌出畫堂，將雛一閔暫徜徉。
羣珠合浦爭呈艷，片玉崑岡乍發祥。
藪畔青雲麟趾集，池頭丹日鳳毛翔。
無勞骨相占英物，已聽啼聲出後房。

江汝成駕部留集丙夜即席題

振策西遊半五陵，旋車聊待帛書徵。
三天會見翔孤鳳。

六月何妨息大鵬
欵語涼風生白氈
酣歌明月墜青燈
猶聞彩筆多奇句
題遍慈恩第一層

黃觀察自沛上擢濟南賦東二首

奕世通家問孔融
頻年經國倚司空
千檣大海羣飛鷁
六傳高天並駕熊
雨泥杉松秦帝時
風翻匏竹魯王宮
猶能一識荊州面
漫向闕河問落鴻

竹箭南州貢競輸
梅花東閣夢頻趨
彭城浪息三千仞
濟郡泉疏七十區
白馬何天沈漢壁
蒼龍隨地獻隋珠

拾遺池上飛豪翰笑損長庚下紫樞

過濟上晤劉大司空奉贈二律

玉匣雙龍挂斗躔金堤千鷁度樓船
褰帷大吏羣趨日緩帶中丞獨坐年
碧漢雲霞高鳳羽黃河冰雪淨蛟涎
無論四載驅馳急熒熒旂常太史懸

寶籙瓊函煥赤文支祈摧伏秦元勳
旌旗泰岱瞻紅日節鉞瑯琊駐彩雲
搜粟漫勞橫海校飛芻何待伏波軍
由來據饋深延客倘借胡床坐鶴羣

淮上訪王世叔留集署中座出新鮓共飽卽席

題

急管繁絃次第陳
歌魚寧嘆暮途貧
崢嶸鐵網飛銀鬣
粲爛金盤照玉鱗
豈為江蓴能喚客
祇因岩桂共留人
孤亭環碧他年過
遮莫羊裘動帝宸

東葉侍御初抵武林

葉公舊為
余邑明府

霜威拂面豸袍懸
突兀聲華柱後傳
鼓吹春風吳苑外
樓船秋水越城前
芝蘭競發曾遊地
桃李偏滋舊植年

珍重魚鹽聊駐節搏空鵬翼上甘泉

送趙總戎之北平

大纛高牙照彩虹除書遙下建章宮前驅半雜三河少
別隊新分六郡雄騷褭登臺呈逸步麒麟閣待殊功
平津突兀鈞天上吐哺能無憶轉蓬

張叅知睿父過訪賦贈

委巷蕭疎臥綠苔高牙俄報上公來谿頭弭節臨三洞
海畔揚舲度七臺此夕星辰垂草莽當年日月扈蓬萊

長楊一代推題賦白首能憐問字才

寄吳文仲使君八首

先是文仲以長歌寄余茲復屢使過問積成八章

大纛飛揚駐草萊孤杳寂寞坐莓苔花溪乍識元戎過
葉縣爭傳令尹來霧湧雙龍呈玉匣雲驅六驥上瑤臺

中原匠石凋零盡敢向靈光惜賦才

文仲舊為余鄰邑宰

百尺清潭理釣緜雙魚何意問沈淪維舟敢道菰蘆客
入幕偏容草莽臣海嶠塵沙埋駿骨天都日月覲龍鱗
崢嶸八座家聲在香案能無捧玉宸

十載青尊悵未同
雲天隨處繫孤蓬
東方號令驅千騎
南陌音書墜片鴻
洞口觀碁銷永日
壚頭擊筑動長虹
竹林舊眼容青白
何事車前泣路窮

白羽登壇意氣豪
偏從寒谷戀緜袍
三年天姥迷清夢
十日江郎醉濁醪
紫電蒼龍明說劍
朱霞白鶴麗揮毫

煩君一棹相攜去
並賦錢塘八月濤

吳公自四
明推三衙

輜車晴駐越臺前
指點金華叱石年
萬井霜飄觀察旆
雙溪雲泊孝廉船
囊中舊草餘孤憤
案上閒花落太玄

漫道經時流水絕相思長抱伯牙絃

縹緲寒霜墜鹿盧江州鹵簿晝頻呼猶疑玉鳥飛三洞

不道金尊汎五湖逕倚蓬蒿新白社蹊尋桃李舊玄都

天門八翼星河近試問長庚謫有無

文仲舊
宰金華

盡日江頭臥白沙長天孤夢隔瑤華田餘元亮魯栽秫

縣接安仁舊種花六洞浮雲迎仗鉞雙溪明月候飛查

菟裘半畝勝漂泊霜落東陵正熟瓜

突兀長歌贈遠遊淋漓霜色墮高秋如聞桂樹招淮上

祇為梅花別隴頭，晴雪萬山迷。欸段夕陽干，塢亂鉤輶。
歸來咫尺堪攜嘯，極目雲天下彩旂。

送包稚升入閩

稚升先
權蜀中

錦纜初停汎蜀船，驪駒仍送入閩筵。無誇積雪三峨外，
盡占飛雲九曲前。柳拂檐帷春燕候，花迎袍笏晝遊年。
為君拂拭雙龍去，遙夜延津斗色懸。

黃堯衢屢寄詩札，余讀其九，滌遊草慨然興懷。

賦答一律

堯衢才高博雅詩
文外雜著幾百首

臥掩衡門鬢欲皤雙鴻嘹唳墜巖阿三山傲吏偕三謝
九漈飛仙挾九何獻賦柏梁知自許藏書天祿定誰多

荒園萬卷堪留客載酒能無問綠蘿

時同遊三
君官闕者

送李太史之秦中

絳節朱旂太史才春風鳴玉下蓬萊雞聲萬井開函谷
馬色千山度薊臺授簡明光朝日近飛觴平樂暮雲來
含香舊侶深相憶莫遣玄闔閉綠苔

送江汝成駕部之秦中二首

祖席驪駒唱未停
河橋寒色晚冥冥
高天六傳飛函谷
隘地雙旌出井陘
雨雪蒼茫南北路
星河明滅短長亭
干城豈獨扶風借
百鎰黃金下帝庭

百壺春酒照華筵
曾是荊州識面年
問竹敢勞中散駕
看花頻繫孝廉船
崢嶸斗色雙鈎墮
粲爛虹光四壁懸
明發旌旄凝望處
太行無際白雲前

初入葛湖同王仲升
章茂德陳惟敬夜集
盛明元思達思弘思齊
思登思遜六昆仲社中賦

贈

壚頭十日又高陽
年少羣趨作賦場
人比竹溪非異姓
客方蓮社是同鄉
論心海岱千秋合
握手乾坤萬事忘
貪把深杯華月下
不知零露墜衣裳

是夕陰霾無月
諸子酣飲夜分而唐祝兩生不
至命小奚奏樂侑觴
拈韻得中字即席賦

曳履南樓興未終
胡床相對一尊同
霜飛玉宇秋將半
露濕瑤臺夜正中
繞樹參差飛倦鵲
銜蘆嘹唳墜征鴻

更闌競奏霓裳曲誰喚嫦娥出海東

葛湖草堂四首為盛氏六生題

滄波九疊浸芙蓉夾岸千峯與萬峯才子溪頭頻拭劍
仙人陂上舊攜筇高天霧隱前村舶落日風傳古寺鐘

莫遣桃花飛一片津門流出世人逢

葛溪鐵李
盆劍名

十里澄波鏡面秋雞聲一塢住中流閒花半落辛夷岸
古樹平連杜若洲晚日亭臺朱戶掩微風簫鼓畫船遊
紅妝隊隊湖堤上唱徹菱歌興未休

湖上茅堂秋可憐
浣花流水不知年
緣隄藻荇浮仍沒
隔浦蒹葭斷復連
過雨鳧鷖臨檻外
乘風鷗鷺到門前
攜家信宿堪忘世
底用頻移雪上船

衆壑天然敞畫圖
牙樯明月坐冰壺
雙流近接雙龍洞
九曲遙穿九鯉湖
野客為園當薜荔
奇人結社傍菰蘆
他年會挾西施過
日占烟波理釣艫

同盛明元散步山岡望金華諸洞壑賦示思達

思齊思弘思登思遜五生

五岳長懷濟勝才三山何事問蓬萊岡頭處士龍仍臥
嶺外飛仙鶴並來積翠中天藏洞府空青半壁墮池臺
翩翩羣從俱竒雋為掃如椽向綠苔

明日泛舟湖上王仲升以公事先行即席再賦
牙檣秋霽喜同登極目長天暮靄凝月色正浮三翼舸
星芒如徹九微燈汀洲曲折沿芳草島嶼縈洄出亂藤
投轄乍堪消永夜雙鳧寧畏簡書徵

十三日再同王仲升陳實卿章茂德王仲濟盛

明元六昆季宴集祝華父唐汚父適至分韻

得前字即席賦

鼓瑟吹笙玳瑁筵狂歌醉舞興飄然疎星競向寒更出

明月偏宜後夜圓

時中秋前一夕

氣色熒煌雙劍底心期迢遞

一燈前經旬漫詫平原約千日中山任晏眠

又明日汎舟東湖湖蜿蜒十里許滄泓靚澈大

類輞川時微雨灑空旋即開霽中天皓魄朗

然如畫芙蓉一樹亭亭南岸若凌波仙子含

情婉約不可名狀余命維舟其下小奚吹笙
撥阮歌滄浪明月之章飛白無算賓皆潦倒
比歸就枕漏下五鼓矣

載酒鳧鷗靜不猜謝家羣從故多才沿隄竹樹參差發
隔塢芙蓉爛漫開晚色拖烟籠遠寺秋光含雨濕平臺
尋源異日扁舟到夾岸桃花次第栽

中秋諸子雨集遲祝生不至賦以示嘲

天際輕陰繞畫樓淥波俄漲大堤頭清秋漫憶乘查去

盡夜何妨秉燭遊殿閉長生收月影園荒獨樂罷風流

無媒一覩嫦娥面正為陽臺雨色留

父明元所惟淑卿華數贈以篇什期

是夕挈以來而復為所羈又祝生以園地為族人所侵奪故云

再疊前韻寄祝生時明元以舟溯之不得

悵望幽期越水頭蒹葭白露滿中流空懸仲舉千秋榻
苦戀休文八咏樓玉笛關山偏引恨珠簾雲霧迴生愁
惟應天柱尋仙客曳履孤峯盡夜遊

十六夜雨不絕同唐祝兩生集明元齋頭秉燭

劇譚四鼓迺罷

驟雨淒風斷續聞西堂燒燭話偏勤空勞神女飛三峽
不見嫦娥駕五雲葉落仙萸秋縹緲花殘叢桂夜網緼
朝來一舸乘流去盡擷芙蓉越水濱

別明元思齊六昆季時余將卜築葛陂之上詩

以訂盟二首

短髮江湖抱太玄歸攜羣從興飄然當年溪上聞諸逸
此日林中聚七賢卜宅舊尋陽羨口移家新赴陸渾前

他時倘遂桑榆笑一笑玄真臥釣船

十口經年繫短航何如一曲借滄浪
天空穩臥揚雄閣地僻粗營杜甫堂
西塞鳧鷖迎嘯咏北山猿鶴伴行藏
不緣二仲翩翩甚投老那依玉樹行

贈喻叔虞邦相明府季子也攜來余邑日僅十

許歲今儵忽廿載餘矣時俞羨長吳泰寧同

集

花縣雛將玉樹叢當年見汝僅成童
驚人彩筆飛王粲

狎客清樽醉孔融賦草欲追滕閣麗談鋒偏向越臺雄
高陽爛漫名流集莫負渠蓮十丈紅

少室山房集卷六十三

欽定四庫全書

少室山房集卷六十四

明 胡應麟 撰

七言律詩七十四首

李本寧廉訪入武林以手書新歷餉余谿堂却
寄七言八律

白面登壇寸管馳縱橫九域讓蛾眉神龍大海雙飛日
老驥中原獨步時麗賦梁園春雪滿長歌蜀道暮雲遲

誰言越客朱絲斷極目遙天候子期

八代文章觀典型雞林重譯購題銘無勞大澤誇雲夢
久識鈞天奏洞庭禹廟冠裳迴百吏胥臺檣櫓壓千靈
精廬四百湖堤上爛漫新詩勒翠屏

翹首湘潭半夕陽誰傳詞藻賦高唐宗盟一代聞三李
伯仲千秋見二王北極雲霞迴指顧東山日月謝行藏
新篇漫惜南遊寡海外流傳徧越裳

中弇名山迹已淪太函高座定何人傳衣兩地歸南岳

賜履三天上北辰大厦紛紜羅國士孤查浮沒問波臣
中興咫尺葵丘畔寓目江淮一旅陳

一麾環珮下甘泉雙管橫操百代權燦爛圖書遊洛日
飛揚文字入秦年風雲八座長秋近象緯三臺太乙懸
不是觀濤瀛海上西泠那駐木蘭船

入剡名山思轉遐雲嵐晨夕候高牙寧無逸興歌天姥
大有閒情賦若耶萬岫分青懸梵剎千巖飛翠落官衙
香風夾岸驂騑倚隊隊明妝越水涯

珮玉含香事寃梳橫金馳傳出龍樓遊窮八極飛仙在
望重三朝宿老留白帝城探新雨色黃公壚續舊風流
無誇海上干將合昨夜精芒射斗牛

邂逅金緋照石渠盧溝橋畔暮踟躕同盟敢托先朝後
並軌猶慚易世餘轉自慵疎憐叔夜寧因消渴慢相如
無由共賦南鵬翮大旆搏風上玉除

送徐惟得還楚中

歲晚尊鱸樂事饒淒然風雨發征輶弘文館闢雙龍近

神武門深一騎遙
夢渚寒雲飛獵旆
湘江晴雪候漁橈
憑君漫卜東山墅
三錫玄圭下聖朝

王別駕過訪賦贈

當年詞賦滿林皋
閣閣瑯琊擅俊髦
驥足暫紆龐統駕
雞羣聊試呂虔刀
齊封魯甸驅馳急
郢雪秦雲眺望勞
咫尺風期同調在
碧天河上首重搔

送張仲立上計二首

龍劍雙飛入薊城
一尊揮手暮笳鳴
分符帝問淮陽績

授簡人推鄴下盟萬樹未央春雪煖千花長樂曙霞明
亡誇爛漫黃金錫前殿如椽勒姓名

飛旌千里問神州驛路梅花照錦裘上計詞臣新渤海
稱詩才子舊長洲風烟御苑迴金埒雨露明堂下玉旒
惆悵河橋深雪裡盡將離恨入齊謳

朱吳于三生攜酒同遊城南觀音禪院

皂帽青鞋霽雪前叢林遙望七燈懸乾坤萬古空王劫
水月三生大士緣下界風旛搖貝闕上方雲磬落金田

跼蹐未辦西歸衲杖錫香林對惘然

張博士以壺觴過訪余病不能起迂賦謝此章
野外孤蓬繫白茅齋頭長鋏倚青郊壺傾博士蓮花釀
盤載先生苜蓿殺海岱雲霞驅別夢天涯冰雪縮窮交
亦知凡鳥堪題字浪逐揚雄賦解嘲

張別駕過訪舟中以新刻餉惠昔聘修郡志將
成

燦爛詞林見白着挂冠偏趁黑頭時安仁宦就花盈郭

元亮歸來菊繞籬作賦高唐巫雨過飛書東嶽岱雲馳

十年流水希凡調試拂冰絃和子期

張君先任
新安尹

秋明叔邀集新居命女伎奏劇凡玉簪浣紗紅

拂三本即席成七言律四章

名花十院盡蛾眉美酒金樽照陸離霧裏雙鸞騰玉闕

雲中八駿下瑤池參差趙瑟傳情遠縹緲秦笙度曲遲

後夜屋梁頻悵望河橋孤館月明時

伎十人二
尤善謳

痛飲狂歌白日酣何人同住百花潭明妝陳女開金屋

妙舞羊姬弄玉簪滿架荼蘼風乍入
當庭楊柳月初含
追歡拚竭良宵興滿眼關河繫別驂

繡柱雕欄夾畫圖幽棲河上擅菰蘆
壺觴元亮開三徑
舟楫陶朱泛五湖草色共悲吳苑廢
花枝猶傍越臺無
干將對舞東風夜燦爛明星墜
轆轤

畫檻參差照綠苔三山何處問蓬萊
朱顏驟向新春合
紅拂偏宜靜夜來風裊梅香縈玉砌
月穿蘿影度瑤臺
高唐總入襄王夢未擬重憐宋玉才

子生高岡以早春九日初度賦贈二章

時生年二十

東來紫氣繞華筵
玉鳥飄飄大海曠
九葉莫舒元旦後
千秋桃熟早春前
馳心高密談兵夜
屈指重華謁帝年
試問嘉名懸錫處
桑弧晴色廣陵懸

玳瑁堂開霽雪凝
百壺春酒照如澠
斷冰奇句推良史
明月新篇和武陵
鴻雁渚寒勞夢寐
鳳凰池遠待鸞騰
追歡況值梅花早
倚嘯晴空望玉繩

夜同朱吳李徐諸生集于茂才宅聽歌

南陌朱樓並馬尋一尊塵外共披襟齊姜久擅高唐曲
越客同操下里吟燭映紗厨春色淺香飛羅袂夜寒深
雲門寂寞當年調慚愧鍾期抱玉琴

送趙太學之北雍

束書迢遞赴皇畿岩壑何言戰勝肥綠綺正攜春雪過
青帆俄逐夏雲飛雄材世許攀槐棘古調時能問蕨薇
到日含飴窮燕樂千花晴色映荷衣

送黃上仲歸赤城時以伯兄說仲書至

翩翩戎服傍高牙長揖歸來興未涯別夢乍懸淮海月
鄉心遙引越城霞毫端秀色舒毛穎匣底寒光照莫耶
最憶元方油幕臥獨將清嘯和悲笳

朱太學元長以新刻過訪卒業賦贈余與元長
大父司空尊人廷尉通家再世覲其韶令喜

溢于辭

靜掩衡茆覺地偏輝煌詞筆照臨川通家政自推文舉
倒屣能無屬仲宣殿簷甘泉晨賦雪宮深碣石夜談天

春風一騎長安邸何限飛花墜玉鞭

彩筆翩翩驟過從居然文藻挹芙蓉門留廷尉甘羅雀
劍授司空欲化龍謁帝明光春浩渺論交平樂暮從容
當年國士雙垂眄握別銜知思萬重

壽胡隱君九秩為玉呂茂才題

杖履飄然鶴鶴羣函闕靈氣暮緗緡三生夙擅榮期樂
二典新傳伏氏文大海亭窺秦望日清溪船弄越來雲
毋誇經術承家舊屈指驚章帝座聞

送趙汝信奉常入都

挂席南風錦樹重
頻年溪上濯芙蓉
尋仙玉洞雲長滿
謁帝金莖露正濃
午夜素琴偕一鶴
商秋神劍合雙龍
台垣咫尺黃扉啟
燦爛棠花拂過從

奉常于少傅為昆仲

送吳文仲觀察入賀四首

鼓吹江城落日懸
牙旗明發使君船
青牛一望函關外
黃鶴雙飛漢殿前
北極衣冠晨拜舞
西池環珮夜留連
壚頭風昔荆高輩
極目燕山共惘然

燦爛明星隆轆轤懸腰雙鍔並昆吾千秋錄就呈金鏡
萬壽筵開送玉壺飛蓋西園涼月滿垂鞭南陌夏雲徂
加餐何處頻相望嘹唳征鴻下太湖

斧鉞中吳羨晝遊闔閭城下暮淹留安期烏捧遙天外
博望杳飛大海頭北斗文章新氣象南皮談詭舊風流
黃金臺殿三千尺擊筑憑誰共酒籌

椽筆翩翩賦頌裁誕章晨捧入蓬萊花前彩鷁飛吳甸
柳外青驪繫越臺長樂露華金掌下建章雲氣玉繩來

天顏尺五稱觴地尚記吳公第一才

寄區用孺

一棹棲遲大海濱
桐江雲色繞垂綸
青山乍飽間中目
白石猶飢病後身
別去龍門無國士
歸來鮒轍有波臣
故人藉甚甘泉畔
日醉玄都萬樹春

汪明府邀集衙齋陶駕部懋中適至同賦

秉燭高堂燕笑頻
歌喉搖曳玳筵新
琴中白雪飛仙吏
坐上清風挹故人
剡曲蒹葭千里夢
河陽桃李萬家春

凭欄無限青雲色欲喚雙鳧到紫宸

入郡城訪睿父叅知道文仲觀察以公事至同

集

西園高宴月華濃咫尺台垣並過從座上儒冠容一鷗
尊前神劍合雙龍陰森棠樹春光滿燦爛薇花夜色重
最是胡床清興劇羊裘何惜醉蒙茸

是夕二丈以直指葉公招中席輟赴畢燕仍過
戚園犇飲達曙乃罷

阜蓋叅差越水頭
千山寥廓暮雲收
風前並遡王猷棹
月底重登庾亮樓
彩袖翩跹傳楚舞
朱絃嘹唳和吳謳
梅花漸吐新春色
秉燭何妨盡夜遊

直指葉公枉顧賦謝四章

攬轡千山入畫圖
偏從巖穴問潛夫
臺端此日冠峨豸
闕下當年烏化鳧
把臂蓬蒿新白社
關心桃李舊玄都
天門六翮雄飛近
一盼鹽車在暮途

燦爛西臺白玉珂
頻年直指向關河
豐城劍抱雙龍出

澗水橋乘駟馬過作賦風雲迴縹緲飛章山嶽動嵯峨
寧知一代蒼生寄幾向清溪問綠蓑

余邑浮梁數百年
靡修復者葉公一

旦談笑新之諸遺愛雷
溼發中童孺咸悲焉

大纛高牙控斗躔牙袍驄馬出甘泉雲霞驟劃雙溪上
雨露偏濃八邑前秋浦棠陰懸節鉞河陽花色映樓船
無勞汲孺誇長揖竟日茅亭話太玄

又擁朱旗入婺城清江寒色暮雲平霜飛竹馬兒童集
日照花驄父老迎繡服三天傳疏草綈袍一代見交情

由來國士非凡遇，匣底干將夜夜鳴。

夜集王仲升新第，即席同盛氏諸仲分韻得寒

字

畫檻雕楹十二欄，一時尊酒盛詞壇。
風人把袂遊平樂，月姊更衣下廣寒。
臺接丹山翔彩鳳，簫橫碧落度青鸞。
從知子敬多豪興，桃葉歌成宴未闌。

王仲升以五言長律見貽賦此答贈

尺組長纓奮草萊，清香畫戟臥莓苔。
北門鎖鑰歸雄鎮

東觀圖書集上才疊嶂分青橫几簟雙流飛翠入池臺
知君未厭從軍樂大纛高牙帝座來

入三衢訪文仲觀察邀同睿父叅知耐集丙夜
期以詰朝方舟下澱水即席賦

玳瑁筵飛白苧新鶯喉搖曳舞梁塵金尊竹葉銷長夜
玉笛梅花綻蚤春雪照吳門雙彩筆星環越署兩朱輪
朝來共有鳴榔約一棹能無繫水濱

同張吳二丈方舟東下沈飲三晝夜四之日始

達澱濱卽席賦

仍飛寶瑟佐清酣
豪興飄飄澱水南
河朔千秋今見二
平原十日已過三
含毫鸚鵡催詞賦
倚席魚龍狎笑談
信是青雲留白恰
一丘誰訝管寧愁

遇張孟孺于湖上未及問姓名別去詰旦以羨
長書洎新作來謁賦答此篇

相逢今雨大堤頭
梵刹丹青暮靄流
赫奕家聲曾御李
飛揚門閥舊封留
何須鐵騎桑乾戰
暫解金魚杜曲遊

昨夜淨慈秋色裏
霜華寒透鷓鴣裘

陳明府書來賦答

尚憶登仙共李膺
風搏水擊羨鯤鵬
天長片鷁飛淮甸
地近雙魚出廣陵
桃李城頭春色滿
蒹葭堤畔暮愁凝
高樓百尺堪同臥
把袂何時第一層

時陳君令廣陵旁邑

登趙太學文鎮谿雲閣懷容父文仲二公

簾櫳十二挂高寒
突兀樓臺峙翠巖
六洞烟嵐長繞座
雙溪雲月半憑欄
丁丁樵斧飛春暮
杳杳漁舟泊夜闌

此日平原堪盡興深杯何惜醉詞壇

寄陸使君使君舊治河濟上同龔觀察及余名

姓余弗知也

挂笏黃堂坐晏然雙旌猶記北來船時名赫奕機雲後
世業巍峩遜凱前六洞晴雲江郭繞雙溪明月郡樓懸
甘泉咫尺徵良吏突兀龍章漢殿傳

上元同睿父叅知文仲觀察夜集谿堂看燈作
千騎聯翩集水涯上元燈燭興偏遐憑欄火樹千枝月

照坐金蓮百本霞織就鮫綃珠有暈妝成鸞鏡玉無瑕
深宵拚醉平原席遮莫蘭陰送曙笳

詰旦兩公各以詩來走筆和答

聯飛鴻翼度天涯並握鸞箋思轉遐季重詞名元海岱
孟陽詩筆半雲霞提攜頓覺燕金重顧盼寧愁趙璧瑕
宛轉雙珠呈夜色不知庭月墜春笳

時歌者趙璧在筵

寄張睿父叅知時以新賦三律見示

風前何處覓新裁日斷仙槎繫翠苔畫戟東方千騎繞

朱旂南國片鴻來
桃花爛漫飄吳岫
棠樹陰森蔽越臺
莫道干將長射斗
司空袍笏近蓬萊

陳太學過訪為借沈材叔園亭以頓行李賦此

謝之

意氣翩翩越水頭
居然名士擅風流
獨將仲舉千秋榻
懸向休文八咏樓
几席平原堪縱飲
杯盤河朔競追遊
亦知廡下梁鴻寄
一為窮途破旅愁

侍御葉公疏陳蹉事得請賦東二章

諤諤千言奏彩毫英聲直氣冠仙曹批來豈憚龍鱗逆
觸處真憐豸角勞日揭虞淵消霧雨雲收溟海息波濤
惟應報國丹誠竭五夜霜華襲髣毛

一疏迴天四海聞懽聲馳頌越江濱臣心總為埋輪切
帝眷偏從折檻勤十道乘驄爭吐氣三朝鳴鳳欲空羣
西京底事蒐鹽鐵為報桓寬正屬文

鄧遠遊以書貺見貽賦答二律

飛蓬何處遂幽棲咫尺雲萍悵解攜吏隱欲兼山大小

客居難定讓東西鳴琴海國雙鴻度鎖印江城獨鳥啼
是處休文饒八咏危樓曾否共攀躋

病肺經時息茂園淋漓書札到丘樊花栽檇李三千樹
草賦長楊十萬言爾自飛鳧臨大邑人誰逐鹿向中原
盈盈一水相思切極目湖頭暮雨繁

觀察林公過訪賦贈

才名藉藉冠青錢執憲欣逢入越年起草夜停雙闕下
看花晨憩六橋前飛揚白馬笳聲動縹緲蒼龍劍色懸

四百樓臺題咏處登臨誰不羨如椽

壽陳隱君

瑞日暄風滿畫堂東來紫氣近錢塘
千春大海籌增屋十里平湖樹夾航
盛世謳歌情正洽明時耕鑿興偏長
何當醉挾元龍去百尺樓頭話對床

贈仁和劉明府曩有事計偕邂逅君子濟上同
舟驩聚者月餘

識面長淮記苦吟黃金臺館獨登臨
當年飛鳥過嚴瀨

此日鳴琴坐武林
南斗夜光雄劍合
西湖春色畫檣深
懸知漢殿循良詔
屈指晨催大海濤

侍御葉公既按部
吳會復以齷政倥
惚馳返臨

安諭檄通遠衆以
大定輒綴七言四
律代東

行麾

東來紫氣又臨安
拭目蒼生望未闌
一劍乍過干壘靜
單車纔入萬家歡
霞光北極飄清禁
斗色西臺照畫欄
信是批鱗頭易白
霜毫時拂惠文冠

比屋香燈越水漬霜天晨夕望氤氲中朝獨占乘驄步
大海爭傳諭鱷文柱後戎冠心捧日臺端搖筆氣凌雲
栽花漫憶河陽事燦爛芙蓉拭劍紋

吳山晴翠拂高車隻字風霜繞玉除驄馬近傳鹽鐵論
雞林遙誦治安書三臺色動迴天後十郡歡騰煮海餘
最是憐才勤吐握登龍時叟舊長裾

繡斧朝持越郡前花驄行部筆如椽風雲西北飛揚候
海岳東南鎮定年秋思芙蓉明玉笋春光桃李媚瓊筵

寧知鹵簿江州貴日向蓬郊話太玄

壽龍使君六秩

旭日扶桑繞畫欄安期雙鳥對盤桓紅霞一曲秦源近
白雪千家楚水寒小逕壺觴移竹樹前庭袍笏映芝蘭
山香莫問羣花落一喚飛瓊舞翠巖

送章宗理納言使楚中

輝煌丹詔出蓬萊窈窕玄闕閉綠苔劍佩青雲辭玉闕
衣冠紅日下銀臺河橋薄暮蟬聲起驛路深秋雁陣來

漫憶觀棋泚水上蒼生元屬謝公材

送王永叔入都四首

大旆翩翩越水濱朝天白馬向楓宸
飛揚跋扈千秋思磊砢崢嶸八尺身
興裏平原寧計日歡來河朔動經旬
誰言綵筆偏詞賦已卜螭頭氣象新

壚頭促膝又吾曹斫地王郎思獨豪
九陌霞光迎劍珮千山雲色度旌旄
中朝奏疏闕辰極故國音書問海濤
尚憶春明門外事紅牙催拍鬪持螯

吳山晴色墮高牙
歌闋驪駒興未涯
錦綬乍拋滄海月
緋袍猶縮赤城霞
垣扉燭影宵分直
禁闈棋聲午放衙
明發武林闕外路
盡將離恨入征笳

把袂錢塘又別筵
升沈往事一潸然
公車賈傅全遊日
帝里班生獨上年
握麈何天非碣石
抽毫無地不甘泉
亦知疏草焚難盡
諫獵書成太史傳

睿父叅知入武林
余過署中適以公
燕湖上不
遇留東

寂寞玄亭臥草萊登臨長憶謝公才猶疑斧鉞清溪駐
不謂帆檣大海來繡服定過吳子國珠簾同望越王臺
金銀萬寺湖堤畔椽筆能無麗賦裁

時文仲丈
將達吳門

關忠義侯廟作二首

絳節緋袍氣凜然巍巍遺像識忠賢河山萬古精靈在
宇宙三分壯節懸燦爛黃金辭操日飛揚白刃刺良年
莫言遺恨章丘下五夜英魂照玉泉

巨額長髯貌絕倫當年馳騎破黃巾崢嶸正氣鍾三國

慘淡英風敵萬人，縛禁已酬吞魏志。
誅蒙猶現伐吳身，雙旌異代鹽池上。
想像鏡歌入帝宸。


送右轄吳公擢左山西

并門遙望思如何，縹緲棠陰十郡多。
鹵簿北風辭粵嶠，樓船西日渡汾河。
青萍謁帝龍光近，彩筆懷人雁字過。
上考吳公元第一，題詩能到舊烟蘿。

季秋同李鄧二明府俞山人尋靈隱故址作有

序

樓觀滄海日門對浙江潮駱義烏靈隱詩也
今寺在山麓於二語殊不合山之腰最幽絕
處有弋光閣登其上則跨重湖攬江海十字
真境儼在目中其下石梁亘絕考之終篇皆
符迺知今靈隱建自宋時非考功覓句地也
疊磴危梯萬仞懸嵯峨飛閣架蒼烟天浮海色雕楹外
日蕩江流畫拱前玄鶴並攜珠履客青鳧雙下玉臺仙
誰言康樂題詩舊婺女猶聞筆似椽



少室山房集卷六十四

欽定四庫全書

集部

少室山房集卷六十五至七十一

詳校官編修臣程槐

侍讀臣孫球覆勘

總校官庶吉士臣何思鈞

校對官中書臣王鍾泰

謄錄監生臣張鱗

欽定四庫全書

少室山房集卷六十五

明 胡應麟 撰

七言律詩五十二首

直指葉公以高堂大壑累疏陳情爰自孟冬移
節茗上不佞分忝州民遇隆國士分庭抗席
迴出形骸膝攜在茲睽戀彌劇河梁握別情

見乎詞二首

突兀高牙鎮海濤
衡門猶戀舊緜袍
千秋烈日扶肝膽
五夜飛霜襲鬢毛
報主共知心計竭
思親誰識夢魂勞
他年大節標良史
一代名臣付彩毫

萱花遙望北堂懸
一疏陳情四海傳
繡斧聲名紅日下
斑衣魂夢白雲前
埋輪未促燕中駕
鼓柁聊移雪上船
屈指瑤池華宴近
蟠桃消息報新年

憩唐生汚父舟中作

羊裘白眼天蒙茸
獨占蘆花鷗鷺叢
叢月底科頭弄雙楫

日中坦腹眠孤蓬
江湖散人陸魯望
烟波釣徒張子同
底事陶朱鬢毛白
西施竊負驕兒童

方伯吳公過訪話舊先是吳公北上余邂逅於金陵至是垂廿載矣

青春攜策赴甘泉
邂逅金陵北上船
傑觀並遊鷓鴣底
高臺同宿鳳凰前
飛身碧漢三千仞
散髮滄浪二十年
慙愧操觚成白首
紫薇黃閣共周旋

賀吳方伯擢晉中左轄

赫奕除書下帝庭六橋離思繞烟汀旌旂匝地過陽曲
鼓吹中天出井陘望重三垣頭轉黑論交一代眼長青
太行絕頂凝眸處海上紅霞接幔亭

鄧遠遊以浦陽改劇樵李孟秋有事棘垣不佞
邂逅湖上二律志喜

黃金臺下賦河梁兩見栽花越嶠傍烏化雙鳧離澱水
琴攜一鶴度錢塘雄談自許千秋合痛飲那能十日忘
莫詫重垣霜色裏繽紛桃李候門牆

片月燕臺萬戶懸芳尊何地不留連
飛揚碣石論交夜
潦倒臨邛作客年
大邑桐陰流解宇
重湖花色媚樓船
遙憐客歲青燈下
達曙狂歌玳瑁筵

蚤春寄宣律師

風範支公昔未頽
龍池曾辯劫前灰
竹齋疎雨焚香坐
花徑閒雲乞食迴
地勝東林時卓錫
天長南海一浮杯
金銀四百湖堤畔
得句能無贈蚤梅

湖上同喻邦相泛舟離淨慈入玉泉觀魚池上

徐茂吳以家釀至余迫暮同吳生德符先歸
抗手河梁二十年談心湖上一潸然乘風泛鷁離金界
冒雨觀魚向玉泉葉墜丹楓孤剝底花餘黃菊斷橋前
餘杭麩米堪同醉不奈秋空咽暮蟬

叅知洪公得雄寄賀

扶桑晴望海雲開蓬矢新看射越臺玉樹正從文苑出

公方以學使權任

金莖元傍武夷栽

洪公家七閩奕葉貴顯

鷓鴣燦爛凌

霄翮龍種飛揚歷塊材信是高門蕃七葉祥光頻夜繞

珠胎

秋日集汝申使君喜雨作時潘生對奕久之

浙澀寒聲繞畫牆
高梧飛葉半銀床
珠簾乍卷三秋色
玉局徐生五夜涼
南國蕙蘭應被野
西郊禾黍漸登場
酣歌不是耽行樂
二頃城頭有汶陽

寄鳴皋

邂逅京華得向禽
攀花攜酒日長吟
聽鶯上苑雲連陌
並馬西山雪滿林
一夜征塵迷寶劍
三年流水隔瑤琴

傷心碣石論文地零落寒烟夢裏尋

劉觀察仲修席上言別

抗手河梁思不窮
高天遙望楚王宮
吹簫幾夜騎黃鶴
解劍經時斷白虹
潞水霜華猶拂坐
湘潭雲葉已浮空
風塵別後頻相憶
錦字千行墜北鴻

同惟敬諸丈邀劉觀察集李園有序

時李惟寅朱在明
安茂卿康裕卿
梁思伯咸
在坐凡一十六人
余得寒韻

樓閣淒淒雲霧殘，幽盟河朔此盤桓。
庭催黃葉風交響，席倚青萍月共寒。
一徑秋光搖碣石，千門晴色繞長安。
題詩剩有鄒枚侶，並拂朱絲興未闌。

題劉觀察日涉園

錦石清沙動畫闌，深居羸得近長安。
晴窗霧壓亭臺濕，夜榻雲移枕簟寒。
逕掩杉松迴白鶴，池分梧竹下青鸞。
門前俗轍虛勞問，十載焦桐已罷彈。

送左轄趙公入覲兼便道還晉中

雙帆晨掠大河飛
熒熒星辰動紫薇
上黨風光停繡鉞
太行雲色候緋衣
流傳竹素盈江表
蔽芾棠陰盡海圻
青史趙張元藉藉
燕金馳賜出皇畿

阜蓋飛揚白日前
汾河秋色半樓船
輝煌白壁掄文夜
時公甫爛漫黃金奏績年
握裏驟誇雙劍合
囊中爭覩畢試事
一琴懸匆匆錦里
停車日盡折梅花
玳瑁筵

題唐山人蓮葉舟二首

有序

蓮葉舟輕自學操
唐人句也
山人輕舸湖上

悉屏長年青笠綠蓑悠然獨往余為載賦二

詩

芙蓉花壓大堤前六尺沙棠任晏眠南楚舊聞唐勒賦
西泠重覩白公船吹簫極浦凌風去把釣前灘抱月還
三十六陂新水漲行吟何地不堪憐

琴書一榻任夷猶畫槳朱簾蕩碧油夕趁蒹葭移遠岸
晨搴荷芰入中流飄飄舴艋風前戲汎汎蜻蜓日下游
莫笑米顛今載見孤山雙鶴在湖頭

答宥父叅知四首

有序

余自邁室人之變侍家大人于里中捷闕蓬
莽幾與世絕辱叅知張公札詢拳至奉謝鄙

律四章

雙魚晨下澱江瀝字字瑤華握裏懸倦客已歸青嶂底
佳人猶望碧雲前千秋宇宙供揮塵五夜風霜入斷絃
莫詫發光長佇倚太微清切照龍泉

廿載江天逐塞鴻歸來華髮嘆飛蓬三墳左氏窺難遍

六事張卿問易窮伎倆久嗟鼯鼠薄心期猶詫蠹魚雄
胡床夜夜雙溪月咫尺元規悵未同

半壑東南寄草堂牽蘿捫虱且行藏風前漫自歌招隱
月底那堪賦悼亡海岱飄零馮叟缺湖天搖落米家航
從知上客饒珠履愧殺淮陰願未償

寂寞清溪罷釣綸茫然窮谷問遺民明堂政爾思方岳
宣室能無叩鬼神玉笈參差羅二酉金章搖曳動三辰
支機總為浮查出底事重尋賣卜人

答郭方伯舜舉

有序

郭方伯舜舉屢致手書慰問惓切感愧之餘

賦答二章

先朝名德重長楊拂袖言歸大海傍南浦輕烟流畫鷁
東山明月候胡床風期肯逐紅顏盡意氣偏從白首長
莫詫林宗巾角折蒼生頻夜卜行藏

雙魚晨下越江濤歷歷加餐問向禽代國聲華餘賦草
汾陽勲績擅詞林名山是處藏瑤笈流水何年和王琴

屈指梅花春萬樹西泠橋畔雪堪尋

答世叔通侯見訊并懷說仲詞盟

尺素雙傳激水鱗江天翹首一傷神緋袍紫綬雲霄客
羽扇綸巾社稷臣藻翰千秋鳴鶯鶯助庸三世勒麒麟
相思幕下偏惆悵不見黃生又幾旬

費孝廉過訪投贈新詩將由錢塘入廣陵買麗
妹長干而返即席戲贈

伏枕衡門萬事忘為君顛倒著衣裳紅絲欲繫朱顏容

彩筆偏攜白面郎一榻星辰吟處墮半軒風雨話來長
臨安咫尺堪攜醉千樹桃花拂短航

送張大叅知睿父擢江右廉訪四律有序

自杪歲與張公晤語溪上疎曠迄今聞擢西

江別悰鬱條走筆成賦四章

萬戶歡聲徹海圻喧傳除目下皇畿當年石室紬中祕
此夕天垣動太微玉匣靈文雙劍啟銀河寒影一槎飛
誰言鹵簿江州貴小隊時能問蕨薇

朝看綸綍下宸旒，千騎傳呼簇上游。
帝命西江移斧鉞，人從南國望軒輶。
能無麗賦誇滕閣，剩有雄章壓沈樓。
惆悵雙溪溪上月，胡床遙夕夢風流。

突兀匡廬霧裏來，登高詞賦並堪裁。
留題欲占青霞色，倚和誰當白雪才。
九派寒光彭蠡澤，萬家晴色豫章臺。
遺踪謝監俱零落，一為名流問草萊。

望裏檐帷大國懸，一時名勝摠堪憐。
藍輿數載徵君過，木榻長偕孺子眠。
賦憶寒雲三洞底，書酬明月九江前。

何緣並擷香爐秀徙倚東林話白蓮

贈汪中丞四首

鵲印朝馳下九重雙飛長劍拂芙蓉詩書異域傳方虎
禮樂中朝待臥龍勒石燕然雲縹緲登壇泚水日從容
紛紛坐客饒朱履吐握能無問短筇

一疏埋輪四海傳三臺推轂借豪賢飛狐倒馬當關日
鉅鹿盧龍出塞年燧火北亭殘帳幕波濤南粵淨樓船
凌烟異日論功最十八鏡歌被管絃

尺羽纔飛萬竈收先聲何藉冠軍侯風馳細柳三千壁
電掃扶桑六十洲玳瑁筵開晨北府琉璃屏敞夜南樓
遙憐月底桓伊笛吹徹梅花興未休

三輔旌旗控月寒九河臺殿壓風湍元戎舊建征東節
上將新登鎮北壇列校任驅鵝鵠陣高流容脫鷄鷄冠
懸知王粲思鄉切一賦從軍為路難

直沽逢丁元父夜談作余與元父別十年餘而
邂逅中野真萬里不期之遇也

邂逅天涯總白頭
雙帆偕發潞河流
孤臣海嶽猶生色
獨客乾坤已倦遊
舊疏間闕遼水泊
新詩迢遞岳陽樓
黃金何限干霄色
落日荒臺起暮愁

一疏千言動紫宸
三臺九列望經綸
猶聞絕島追窮寇
未擬清時放直臣
日月並懸新折檻
風雲長逐舊埋輪
更闌秉燭真如夢
把袂狂歌各愴神

送鄧汝高督學滇中

燕臺春色照龍泉
藉甚王褒奉使年
竒字舊從千古識

遺經重向百蠻傳，高峯越嶺停征旆。
大海昆明息戰船，萬仞點蒼題賦日。
抽毫何似帝京前。
鄧鶴草名
帝京篇

曹能始改官南都

題詩遙向鳳凰臺，人識青蓮冠世才。
官閒西寺亦蓬萊，蒼山建業排雲上。
淥水長干漾月來，為報鬱金堂畔女。
流黃重織候新裁。

壽吳太學母七秩

紫色朝臨玳瑁筵，斑衣垂手畫堂前。
雙金突兀高燕市。

片玉熒煌映婺躔青鳥未歸天外使蒼虬長逐地行仙
簾前認我東方朔一摘蟠桃又幾年

贈盛徵君

不學文園賦倦遊高風遙夜攬貂裘
樞傍驥尚思千里廚下鯖長合五侯
桂樹叢生淮海岸桃花深發武陵丘
鬱金何日延州道玉盃相攜醉莫愁

集惟寅第同顧朗生王行父作

嵯峨西第接蓬萊窈窕閒窗臥綠苔
倦已攜書還越嶠

狂猶擊筑上燕臺宮雲五色迷花駐苑月千枝映樹來
何事觀濤溟海上當筵枚發正堪裁

詹山人伯虎以玉印贈余乞詩

奕奕昆吾詫有神雙魚遙憶附書晨千秋玉璽傳承相
十襲瑤華贈美人錯落蛟鼉吹霧雨熒煌科斗拂星辰
江潭何事占雞鶩白岳黃山會結鄰

過汝元太學話別作同仁夫孝廉

河橋寒日弄新晴唱徹驪駒恨遠行
慘淡黃金辭上國

蒼茫白壁抱連城舟移片鷁時時望劍折雙龍夜夜鳴
揮手不堪梁月色亂山猶傍客途明

同趙汝元集陳仁父痛飲狂歌疊疊申旦離別

之臆備見乎詞

把酒疎星傍玉除相逢猶是舊公車高堂秉燭三更後
故國浮查萬里餘海岳未妨攜短劍風雲那復戀長裾
他時兩地遙相望尺素能無問鯉魚

即席再別仁父汝元

征馬蕭蕭倦客遊
天涯憔悴鷓鴣裘
雄才尚抱千金壁
豪氣難忘百尺樓
野戍孤雲頻入夢
闔山明月正添愁
猶餘舊日荆高筑
徹夜狂歌易水頭

是夕劇談漏盡相對黯然
余與二君邂逅湖海
訂盟金石者廿載於茲
拂袖故山且健關為
終老計來晤未卜仍賦此章

列炬華堂夜不眠
驪駒歌徹最堪憐
浮雲未信君門隔
明月偏隨客棹懸
四海正逢多事日
三生猶結並遊緣

乘時何限雄飛思努力加餐玳瑁筵

久不得趙汝元問鄉人乍至自都下云墓木拱

矣

少日風霜墮彩毫中年日月厭青袍紅顏意氣消雞肋
白髮心期付蠓螯作賦中山酬蕙苒飛書西域問蒲萄
天津橋北糟丘近試覓青蓮望海濤

米仲詔書畫船卷即席題

汎汎風光易水瀕沙棠晴照白綸巾中流荷芰藏仙客

極浦蒹葭望美人
經卷香爐晨獨倚
筆床茶竈午相親
懸知舟楫商巖待
漫向鴟夷話卜鄰

憶燕中仁甫汝元余三人晨夕縱飲垂十載餘
頃挈家南旋話別仁甫齋頭縷縷申旦歸後
聞問杳絕今汝元告逝仁甫竟客何方載賦
此什志感

擊筑層臺夜放歌
十年燈火寄婆婆
天空潁水荀陳隔
日落咸陽趙李過
閣上舊藏玄草富
齋頭新種白楊多

悲涼廿載談天客不見三星聚釣蓑

同王行父顧朗生胡孟弢俞羨長集惟寅白雪

齊分得人字

南北驅馳道路頻一尊攜手話沈淪驚看鄴下抽毫客
漸少華陽擊筑人四野雄風迴白雪六街飛雨淨紅塵
應憐獄底干將在繞夜寒芒射北辰

時汝藩
在獄中

再送座師陳公

一賦驪駒共黯然春明迴首夕陽懸緜袍邂逅三千里

絳帳分攜二十年祇見中朝傳鳳德誰從幽谷辨龍泉
蒼生萬室瞻依久闕下行看太傅旋

少室山房集卷六十五

欽定四庫全書

少室山房集卷六十六

明 胡應麟 撰

七言律詩五十一首

唐明府長公新構園亭三泖之上書來徵詩賦

答二首

儵然十畝占菰蘆淨室名香饌楚蒲賦就園亭聞拙宦
書成闕闡識潛夫青山有夢飛盤谷綠水無心乞鑑湖

漫道岩居堪獨樂，蒼生能識謝公無。

亭子蕭疎隔水開，聞君十尺卧蒼苔。芝從角里先生乞，木倩茅山道士栽。簷際數峰如斲就，檻中羣石盡飛來。清沙蕩漾鳧鷗集，永晝相過暮不猜。

寄鄧遠遊，遠遊書來云新構書樓高矗雲漢索，余一律紀之。

聞爾為樓近鬱藍，晴川歷歷豫章南。當檐河漢三千尺，繞架雲霞八百函。徑壓蓬蒿同蔣詡，塔藏蘭菊類羅含。

書成白馬深相憶不得南皮竟夜談

春日張明府過訪賦贈二首

明府閩清源人而為烏傷宰
駱侍御舉邑賢祠明府力也

熒煌車蓋集檐牙握手孤城送暮笳
紫氣乍浮蒼嶺月清光時墜赤城霞
雙飛玉鳥高天外獨奏瑤琴大海涯
聞說河陽春爛漫一筇能許叩官衙

空齋一榻臥莓苔上國雙旌叩草萊
拂劍星光延浦合飛觴雲色幔亭來
詩傳勵志驚高唱賦倚思玄識異才

莫訝絃歌猶下吏黃金千尺步燕臺

閩中黃孝廉過訪作

花底何來抱玉琴一燈聯袂夜堂深
舟移九曲多雲霧笠戴雙溪半雨霖
射虎愧余終落鬼雕龍憐爾驟同心
胡床欲起征西讌百尺危樓望水潯

晉安林計部以翰貺見存賦謝并寄懷仲兄貞

曜先生

時計部
在淮揚

經旬寒色倚緋袍窮谷楚然墮彩毫
五夜書傳淮海月

朱霞白鶴麗高天
晨飛杖屐東山壑
夕縱壺觴北海筵
溪雪滿空狂興在
聯舟何日話登仙

世叔通侯以選詩新刻見貽賦謝因訊說仲文

學二首

材官十萬淨蛟涎
賦客三千侍草玄
劍拂蒼龍淮海上
帆飛青雀潞河前
中郎論豈當年秘
太史書寧百代傳
妒殺南樓絃管夜
胡床相對月華圓

夫吳河伯靜無譁
獨坐平乘似漢查
客子抽毫題桂樹

將軍橫笛弄梅花，藏山業在神偏王。
治水功成鬢未華，莫上燕臺頻倡和。
風傳雙嘯入龍沙。

參知洪公舉駱侍御吳中丞朱比部同入賢祠

喜而有作

先是蘇君禹督學按部余為駱
舉呈入郡祠迄今始祠于邑

廟祀新裁日月懸，千秋輿論協名賢。
高風慘淡三君列，大典熒煌八邑傳。
俎豆竝陳丹腹底，旌旗同曳翠屏前。
鄉閭不盡樞衣思，倚和猶能筆似椽。

題張明府子環考績榮封冊

百里歌聲奏管絃三臺馳䟽達甘泉
椿萱日永高堂上桃李雲蒸大邑前
燦爛冠裳龍闕下飛揚綸綍鳳池傳
中朝屈指思良驥極目黃金照海漣

送汪山人還四明

驪歌一曲亂雲馳白恰黃冠照路歧
八咏樓中人臥久四明城外客歸遲
高天暮雪帆飛動大堊春星劔陸離
極目河梁慙握手壚頭霜色對淒其

送徐太常之白下

驪駒又唱灑城西
龍劍尊前惜解攜
旭日葵榴爭吐艷
春風桃李自成蹊
千秋大業傳鄒魯
六代繁音陋宋齊
屈指鳳臺吟嘯暇
可無雄筆到幽棲

吳允兆過訪同趙太學夜集坐中驟雨如注申

旦迺別

望斷雙魚雪水濱
深居長日念離羣
詞人躡屩來今雨
病子支筇出亂雲
縹緲蘭膏延度曲
續紛梧葉墜論文

相逢垂老堪留戀，莫厭蕭蕭徹夜聞。

同吳允兆登趙文學環翠亭時梅雨大作談棋

竟暮

危亭高峙越江湄，城郭千家暮靄移。
北海聲華聞異代，西京才藻見同時。
雄風却暑離山逕，驟雨催涼到石池。
最是辟疆豪興發，一枰花影度敲棋。

送吳允兆還雪中

戴笠披緇問隱淪，平原相值未經旬。
湘山蘿薜懸高士

越水蘭苕限美人游覽謾誇雙屐慣分攜長恨一舟頻
浮家咫尺非難事為覓玄真舊釣綸

張志和發
人徙雲中

壽葉母趙太孺人詩

有序

邑明府涇上葉侯宰我三稔民用大和監司
奏厥績天官得馳恩所生母孺人命垂下而
母適以是秋屆七秩翟冠霞帔玉醴瑤漿一
時並集竒斯甚矣不佞沐侯知逾越覩茲大

慶喜溢乎辭

紫氣滄溟日夜懸
玉冠瓊帔照華筵
誰將黃鵠歌中事
盡入青鸞詔裏傳
南岳霞光雕輦外
東陵雲色畫堂前
桃花萬樹瑤池熟
好是仙郎作今年

王叅知過訪賦謝

風雨衡門一逕寒
青雲何事問魚竿
輝煌鹵簿留丹壑
搖曳旌旗度翠巒
永夜薇花千吏肅
深春棠樹萬人懽
酬知不盡書生意
慷慨魚腸抱月彈

葉明府創浮梁新成往來利涉二律以紀樂觀

并寄師相趙公

夾岸津亭架彩旂，
艤檣不斷大堤頭。
長虹盡壓雙溪浪，
畫鷁橫分萬里流。
幾處尊壘浮白坐，
誰家環珮踏青游。
甘棠滿植沙洲上，
荏苒仙兒近玉旒。

三百欄干照畫檣，
澄波如黛壓飛梁。
天浮烏鵲長河畔，
地接鼉鼉大海傍。
游女東西矜拾翠，
行人南北罷褰裳。
乘輿最笑公孫拙，
何限恩波潑水陽。

竹書架鼉
鼉以為梁

春日侍家君過祝太學留宿別館夜出羣少侑

鵬豪飲申旦醉夢中拈韻得此詩題壁示太
學并示山人無殊

十日高陽興未闌一樽雲霧繞朱欄光搖銀燭春偏麗
焰吐金爐夜不寒舊業中郎仍閉戶新詩常侍已登壇
清歌妙舞桃花下痛飲何辭玉漏殘

飲酒漫成寄李允達

擊節長歌興轉豪浮名何事讀離騷飛揚跋扈元吾輩
放逐飄零更汝曹白日騎羊三洞遠青天捫虱萬峰高

先秋已訂浮槎約散髮扶桑弄海濤

輓劉仲修觀察

斗酒逢君白接羅談天長醉習家池猶聞碣石千人廢
不見靈光一老遺蕙畹蘭皋斜日外竹枝桃葉暮雲時
他年渤海詞名盛十五寧論作賦遲

秀上人自永嘉過謁乞余言紹介汪司馬公將
以是秋駐錫黃山白岳間賦贈

贈我新詩激水前天台霞色案頭懸來徵玄晏先生序

去結青蓮大士緣，白岳何方重示迹。
黃山隨地足安禪。

莫言垂老才情竭，和汝猶能筆似椽。

江淹嘗擬
惠休詩

聽雨齋

十尺幽軒靜者棲，碧梧蒼竹亂雲齊。
初驚滕閣珠簾暮，漸訝陽臺玉珮低。
翠色西山寒並倚，秋容南浦淨堪題。
美人正有芳尊約，目斷芙蓉萬頃西。

朱山人卜居廣陵持卷遍，乞名公題贈余賦二

章

武夷山色最堪憐何事維揚覓畫船
乘興剡溪春雪後卜居邗水暮雲前
枚乘麗賦經時和杜牧新詩異代傳
二十四橋人似玉明粧十萬勝腰纏

迴首高齋翳綠苔大江晴望海雲開
言將德耀居吳死不學靈均放楚臺
一葉乍從蘭浦過四松先傍草堂栽
抽毫試覓平原叟曾寄雙魚到越來

鑿張生世業塲余病卧半載生以鍼砭起之持

卷索詩為賦

鵬豪飲申旦醉夢中拈韻得此詩題壁示太
學并示山人無殊

十日高陽興未闌一樽雲霧繞朱欄光搖銀燭春偏麗
焰吐金爐夜不寒舊業中郎仍閉戶新詩常侍已登壇
清歌妙舞桃花下痛飲何辭玉漏殘

飲酒漫成寄李允達

擊節長歌興轉豪浮名何事讀離騷飛揚跋扈元吾輩
放逐飄零更汝曹白日騎羊三洞遠青天捫虱萬峰高

先秋已訂浮槎約散髮扶桑弄海濤

輓劉仲修觀察

斗酒逢君白接羅談天長醉習家池猶聞碣石千人廢
不見靈光一老遺蕙畹蘭臯斜日外竹枝桃葉暮雲時
他年渤海詞名盛十五寧論作賦遲

秀上人自永嘉過謁乞余言紹介汪司馬公將
以是秋駐錫黃山白岳間賦贈

贈我新詩激水前天台霞色案頭懸來徵玄晏先生序

去結青蓮大士緣
白岳何方重示迹
黃山隨地足安禪

莫言垂老才情竭
和汝猶能筆似椽

江淹嘗擬
惠休詩

聽雨齋

十尺幽軒靜者棲
碧梧蒼竹亂雲齊
初驚滕閣珠簾暮
漸訝陽臺玉珮低
翠色西山寒並倚
秋容南浦淨堪題
美人正有芳尊約
目斷芙蓉萬頃西

朱山人卜居廣陵持卷遍乞名公題贈余賦二

章

武夷山色最堪憐何事維揚覓畫船乘興剡溪春雪後
卜居邗水暮雲前枚乘麗賦經時和杜牧新詩異代傳
二十四橋人似玉明粧十萬勝腰纏

迴首高齋翳綠苔大江晴望海雲開言將德耀居吳死
不學靈均放楚臺一葉乍從蘭浦過四松先傍草堂栽
抽毫試覓平原叟曾寄雙魚到越來

鑿張生世業塲余病卧半載生以鍼砭起之持

卷索詩為賦

病裡過從問獨醒何來年少解忘形三彭通守庚申錄
五運重蒐甲乙經碧洞騎羊原有術青城化鶴豈無靈
相逢拚作平原醉何限名山入座青

新春魯總戎招同李都閫夜集署中座上得筮
字作

尊酒孤城急暮笳玉壺金縷興無涯茶烹雁宕千峰雪
酒釀龍山十日霞幕府春光迴大纛轅門晴色護高牙
相逢況是河梁客握手何妨片月斜

喻邦相過潑上余以病瘍牀褥不能出晤寄訊

此章

一病衡門罷草玄歸鴻長盼潑江漣那知叔夜風前駕
真作王猷雪後船五畝蒿萊元獨樂雙溪桃李尚爭妍
飛龍自古多乖隔悵望河梁白日懸

同趙使君雨中登大雲絕頂夜飲見一樓題

縹緲危梯望目縈微茫秋色半江城蒼龍掣電千未立
白鳥棲烟萬樹明北浦魚竿誇舊漲西郊農鍤快新成

攜壺不盡追遊思剪燭虛堂聽夜鳴

聶水部招集署中賦謝兼送聶公北行

握手翩翩興未窮芳尊何意武林同
不堪坐倚瓊枝畔飽聽歌翻玉樹叢
越海地偏雲氣紫燕臺天近日華紅
春風爛漫甘泉側賦就能無望北鴻

鄧遠遊過訪溪上握手移日別去無何太公訃

聞促歸小詩奉唁

春花攜手澱溪傍滿目飛雲望太行
念我驥心猶伏櫪

悲君雞骨驟支床，孤航不柰蒹葭遠。一枕偏憐薜荔長，
蚤晚尋君豐獄畔。星河頻夜合魚腸。

壽張母八秩詩

母冢子元春瑯琊兩
王皆盛推其繪事

蚤跨青鸞下玉宸，寧馨爭羨膝前人。斑斕張仲詩傳孝，
彩翰僧繇畫入神。鵲渚夜寒星炫彩，蟾衢秋半月重輪。
方平莫哂姑年少，少駐塵寰又八旬。

虞鴻臚以精舍借居竟不克往賦謝

典盡鸛裘易水尋，高臺何處問黃金。一枝吾自安幽谷，

全樹君猶借上林
廡下伯鸞逃世念
壚頭司馬倦游心
亦知大廈堪棲寄
百遍寧辭抱素琴

懷管秘書

浪迹燕山嘆滯留
一朝名姓動宸旒
金門執戟推龍尾
玉陛抽毫羨虎頭
草色杜陵供眺望
花香韋曲伺遨遊
從知遇合堪青史
莫笑馮唐未拜侯

答顧叔時吏部二首

余與叔時相慕積有歲年
茲屬安茂卿以手札

投寄託契良深報謝二律

憶賦河東紫極傍，娉婷搖曳動明光。
千金函谷高懸市，片玉崑丘蚤擅場。
直諫世傳韓吏部，清脩人識顧長康。
盈盈一水吳楓外，愁絕菰蘆引夢長。

藉甚雄才北斗懸，緘書何意茂陵傳。
屠龍技絕三朝後，射虎心雄百代前。
會見名山藏彩筆，聊從流水和朱絃。
延陵一棹堪相傍，信宿揚亭話太玄。

再疊前韻寄叔時吏部二首

拂曙魚緘溯草堂美人題寄自涇陽雙鈎匣底星辰動
一刺懷中道路長綠水蒹葭浮夢寐青山薜荔伴行藏
相思會發蘭陰興爛醉青蓮玉盃傍

一徑蓬蒿任晏眠東南雲壑乍留連浮踪宇宙三生合
片語江湖萬古懸越水魚竿忘歲月吳天龍鏑射星躔
陽春落落猶堪和敢向鍾期話絕絃

睿父丈既有西江之擢復聞臺疏挽留將以大

觀察移節會稽三郡興文愴別更賦六詩異

時一棹溪頭絕倒子猷之興盡也

明發雙帆大海濱
書遙夜出楓宸
關中乍擬徵黃霸
河內重看借寇恂
君子六千初仗鉞
生徒四百競攀輪
猶聞僕射花溪上
竟日茆堂話隱淪

分陝頻年召伯棠
千家魏碣頌琳瑯
纔聞大纛移江右
忽覩高牙駐海傍
月下登樓懷婺女
風前開閣謝滕王
山陰咫尺堪攜興
雪夜能無棹短航

江城秋半促驪歌
醉解魚腸柰別何
紫翠林巒三洞隔

丹青城闕四明多仙人絕徼尋方丈大士高空謁浦陀
漫詫越裳重譯至十年鯨海靜烟波

褰帷霞色候朱衣縹緲稽山入翠微千騎乍環秦碣轉
六龍長抱夏陵飛公餘卧閣紉玄草吏散行臺憶紫薇
遮莫山陰乘興訪若耶溪上醉芳菲

卓盖翩褱越海頭當年椽筆照龍樓瑯琊山水詞臣醉
天姥雲霞賦客遊黃絹色絲時想像青鞋布襪暫淹留
靈篇禹穴探行遍何似緗縑詫鄴侯

張公先任南滁有瑯琊代醉等編

大府征西接上材參差飛詔出蓬萊金華石室雙仙去
玉洞天台二女來月色微茫方廣寺日光浮動妙高臺
無論擲地興公價彩筆縱橫鉅賦裁

少室山房集卷六十六